

**O‘zbekiston Respublikasi Oliy sudi va “ALFRAGANUS UNIVERSITY”
nodavlat oliy ta’lim tashkiloti o‘rtasida o‘zaro hamkorlik to‘g‘risida
M E M O R A N D U M**

O‘zbekiston Respublikasi Oliy sudi (bundan buyon matnda Oliy sud deb yuritiladi) nomidan raisning o‘rinbosari **Turaxujayev Halilillo Sobirjonovich** bir tomondan va “ALFRAGANUS UNIVERSITY” nodavlat oliy ta’lim tashkiloti (bundan buyon matnda nodavlat oliy ta’lim tashkiloti deb yuritiladi) nomidan rektor **Maxmudov Muhammadismoil Muxitdinovich** ikkinchi tomondan (birgalikda bundan buyon matnda Tomonlar deb yuritiladi) “Ta’lim to‘g‘risida”gi O‘zbekiston Respublikasi Qonuni hamda O‘zbekiston Respublikasi Prezidentining 2019-yil 8-oktabrdagi “O‘zbekiston Respublikasi oliy ta’lim tizimini 2030-yilgacha rivojlantirish Konsepsiyasini tasdiqlash to‘g‘risida”gi PF-5847-son Farmoniga muvofiq ushbu Memorandumni quyidagilar haqida tuzdilar.

1-modda. Memorandum predmeti

1.1. Ushbu Memorandumning predmeti Tomonlar o‘rtasida uzoq muddatli, samarali va o‘zaro manfaatli hamkorlikni rivojlantirish, yuqori malakali kadrlarni jalb qilish va tayyorlash sohasida qo‘shma loyihalar va tadbirlarni tashkil etish hamda o‘tkazishga qaratilgan sheriklik munosabatlarini o‘rnatishdan iborat.

1.2. Tomonlar o‘zaro tenglik, ijobiy maqsad, hurmat va ishonch asosida hamkorlikni amalga oshiradilar.

2-modda. Tomonlar o‘rtasidagi hamkorlikning maqsad va vazifalari

2.1. O‘zaro hamkorlikning asosiy maqsadi raqamli texnologiyalar yo‘nalishi bo‘yicha tahsil olayotgan talabalarning ilmiy va amaliy izlanishlari uchun zamin yaratish, talaba va mutaxassislar o‘rtasida o‘zaro tajriba almashish ishlarini tashkil etishdan iborat.

2.2. Maqsadga erishish uchun Tomonlar o‘z oldiga quyidagi vazifalarni qo‘yadi:

Oliy sud tizimiga keyinchalik ishga joylashtirish maqsadida raqamli texnologiyalar sohasida talabalarni tayyorlash va jalb qilish bo‘yicha qo‘shma

tadbirlar va loyihalarni ilgari surish va amalga oshirishda ko'maklashish hamda o'zaro hamkorlik qilish;

yoshlarning ijodiy va intellektual salohiyatini amalga oshirish uchun shart-sharoitlar yaratish, yosh olimlarni qo'llab-quvvatlash bo'yicha kompleks chora-tadbirlarni hamda oliy ta'lim, ilm-fan va ishlab chiqarish jarayoni o'rtasidagi innovatsion hamkorlikni yo'lga qo'yish;

sud binolarida yaratilgan imkoniyatlar, sud jarayonlariga tatbiq etilayotgan zamonaviy texnologiyalar va ulardan foydalanish imkoniyatlari bilan yaqindan tanishish;

soha bo'yicha Oliy sud tizimida ishlash istagini bildirgan ALFRAGANUS UNIVERSITYning bakalavriat va magistratura bosqichi talabalarini ishga tavsiya qilib borish hamda bo'sh ish o'rinlari yarmarkalarini tashkil etish;

qo'shma innovatsion biznes loyihalarni ishlab chiqishda va amalga oshirishda birgalikda ishtirok etish;

axborot va reklama faoliyati, ilmiy va ta'lim tashkilotlari bilan uchrashuvlar, shu jumladan ilmiy seminarlar, forumlar, konferensiyalar, ko'rgazmalar, uchrashuvlar va boshqa tadbirlarni onlayn yoki to'g'ridan-to'g'ri birgalikda tashkil etish;

Tomonlar imkoniyatlari doirasida professor-o'qituvchilar, talabalar va magistrantlar o'rtasida fan va yuqori ishlab chiqarish texnologiyalari bo'yicha tajriba almashinuvlari yuzasidan davra suhbatlari va maslahat-seminarlarni tashkil etish va o'tkazish;

axborot-kommunikatsiya texnologiyalarini joriy qilish va axborot xavfsizligini ta'minlash faoliyati bo'yicha Oliy sud va quyi sudlarda nodavlat oliy ta'lim tashkiloti talabalarining malakaviy amaliyoti va stajirovkasini tashkil qilish;

Oliy sud bilan kelishgan holda Oliy sud tizimida faoliyat olib borayotgan yuqori malakali xodimlarni nodavlat oliy ta'lim tashkilotining o'quv jarayonlariga jalb qilish.

3-modda. O'zaro hamkorlik shakllari

3.1. O'zaro hamkorlikning shakllari qiyudagilardan iborat:

axborot almashish hamda Tomonlar vakillarining uchrashuvlarini tashkil etish;

Tomonlar faoliyatiga taalluqli va o'zaro manfaatli masalalar bo'yicha maslahatlashuvlar o'tkazish;

Memorandumdan ko'zlangan maqsadlarga erishishga qaratilgan qo'shma tadbirlar va loyihalarni rejalashtirish (tegishli chora-tadbirlar va dasturlar ishlab chiqish) va amalga oshirish;

Tomonlar o'rtasidagi hamkorlik maqsadlariga erishishga qaratilgan shartnomalar (bitimlar) tuzish.

4-modda. Hamkorlikni tashkil etish

4.1. Tomonlar o'rtasida ushbu Memorandumga qo'shimcha ravishda hamkorlikni rivojlantirish bo'yicha yo'l xaritasi imzolanishi mumkin va ushbu yo'l xaritasi Tomonlar o'rtasida imzolanganidan so'ng Memorandumning ajralmas qismi hisoblanadi.

5-modda. Qo'shimcha shartlar

5.1. Ushbu Memorandum Tomonlarga hech qanday huquqiy va moliyaviy majburiyatlarni yuzaga keltirmaydi, bu kabi majburiyatlar yuzaga kelishi uchun Tomonlar o'rtasida alohida fuqarolik shartnomalar tuzilishi talab etiladi.

5.2. Ushbu Memorandum dastlabki kelishuv bo'lib, sheriklik shartnomasi hisoblanmaydi va uning qoidalarini bajarmaslik Tomonlar uchun javobgarlikni keltirib chiqarmaydi (Tomonlardan hech biri boshqa tomonga Memorandumning amalga oshirilishi (muvaffaqiyatsizligi), amal qilishining tugashi yoki tugatilishi munosabati bilan yuzaga kelishi mumkin bo'lgan zararni qoplashga majbur bo'lmaydi).

5.3. Ushbu Memorandum doirasida hech bir tomon boshqa tomon yoki Tomonlarning majburiyatlari yoki qarzdorliklari bo'yicha mas'ul yoki qarzdor hisoblanmaydi va hech bir tomon tegishli alohida shartnomalar tuzmasdan turib, boshqa tomon yoki Tomonlarning vakili sifatida ish olib borishiga yo'l qo'yilmaydi.

5.4. Har bir tomon ushbu Memorandum shartlarini amalga oshirishdan kelib chiqadigan xarajatlarni (agar tegishli kelishuvlarda boshqacha qoida nazarda tutilgan bo'lmasa) o'z zimmasiga oladi.

5.5. Har bir tomon ushbu Memorandum doirasidagi hamkorlikka oid boshqa tomon bilan oldindan kelishilmagan holda ochiq bayonotlar bermaydi hamda bu haqida ommaviy axborot vositalarida ma'lumotlar tarqatmaydi.

6-modda. Qonunchilikka rioya qilish

6.1. Tomonlar ushbu Memorandumni, shuningdek, alohida kelishuvlarni O'zbekiston Respublikasining amaldagi qonunchiligiga muvofiq amalga oshiradilar.

6.2. Tomonlar boshqa yuridik shaxslar bilan predmeti, hajmi va shartlari bo'yicha o'xshash shartnomalar tuzishga haqli.

7-modda. Maxfiylik

7.1. Tomonlar ushbu Memorandum va boshqa memorandumlar doirasida tuzilgan alohida shartnomalar bo'yicha boshqa tomondan olingan har qanday ma'lumotlarni sir saqlashga majburlirlar.

7.2. Tomonlar ushbu Memorandum shartlari va maxfiy ma'lumotlar sifatida yoki o'z mohiyatiga ko'ra maxfiy deb hisoblanishi kerak bo'lgan ma'lumotlar sifatida uzatiladigan barcha ma'lumotlarning maxfiyligini saqlashga majburlirlar.

8-modda. Memorandumning amal qilish muddati va uning tugatilishi

8.1. Ushbu Memorandum 5 (besh) yil muddatga tuziladi va Tomonlar imzolagan paytdan boshlab kuchga kiradi. Agar Memorandumning amal qilish muddati tugashiga 30 (o'ttiz) kalendar kun qolganida Tomonlardan hech biri ushbu Memorandumning amal qilishini tugatish istagini bildirmasa, Memorandum har bir keyingi yil uchun uzaytirilgan hisoblanadi.

8.2. Tomonlarning har biri boshqa tomonni kamida 10 (o'n) kalendar kun oldin yozma ravishda xabardor qilgan holda ushbu Memorandumni bir tomonlama va muddatidan oldin tugatishga haqli.

9-modda. Yakuniy qoidalar

9.1. Tomonlar ikki tomonlama muzokaralar yo'li bilan ular o'rtasida yuzaga kelgan kelishmovchiliklarni bartaraf etish uchun barcha zarur choralarni ko'radilar.


9.2. Ushbu Memorandumga kiritilgan har qanday o'zgartirishlar, agar u yozma ravishda tuzilgan va Tomonlarning har biri tomonidan imzolangan bo'lsa, haqiqiy hisoblanadi.

9.3. Tomonlarning har biri boshqa tomonni o'z nomi, manzili, telefon va faks raqamlari, internet manzili o'zgarganligi to'g'risida bunday o'zgarishlar sodir bo'lgan kundan boshlab 5 (besh) ish kunidan kechiktirmay xabardor qilish majburiyatini oladi.

9.4. Ushbu Memorandum ikki nusxada tuzilgan bo'lib, bir xil yuridik kuchga ega va har bir tomon uchun bir nusxadan taqdim etiladi.

10-modda. Tomonlarning imzolari

O'zbekiston Respublikasi
Oliy sudi raisining o'rinbosari


H. Turaxujayev

2024-yil "15" yanvar

"ALFRAGANUS UNIVERSITY"
nodavlat oliy ta'lim tashkiloti rektori


M. Maxmudov

2024-yil "15" yanvar